

**МБОУ Самагалтайская СОШ №2 имени Монгуш А.О.**

**МР «Тес-Хемский кожуун РТ»**

**Пришкольный лагерь «Дружба»**

**Тыва чоннуң аас чогаалы –  
чоннуң эгээртинмес байлак эртинези**

**с. Самагалтай - 2024**

## **Сорулгалары:**

- Уругларга тыва улустуң кайгамчыктыг эртинези – аас чогаалының дугайында билиндирер.
- Тыва улустун аас чогаалының хевирлериниң дугайында билиин быжыглаар, чаагай чаңчылдарга кижизидер.
- Оларның угаан-медерелин, дыл-домаан сайзырадыр, сагынгыр-тывынгыр болурунга чанчыктырар.

## **I. Кирилде кезээ**

### **1. Башкының сөзү**

Бистиң тыва чонувус, делегейниң өске чоннары ышкаш, байлак культуралыг. Ыры-хөгжүм, уран-чазалга болгаш каасталга, янзы-бүрү чаңчыл-ёзулалдар, оюннар-биле чергелештир аас чогаал база үе-дүптен-не тыптып сайзырап келген. Кижиниң сайзыралынга аас чогаалдың киирген үлүү канчаар-даа аажок улуг дээрзи билдингир. Тыва чон чүс-чүс чылдарның дургузунда байлак утка-шынарлыг, хөй жанрларлыг аас чогаалын тургускан болгаш салгалдан салгалче дамчыдып, сайзырадып, нептередип келген. Тыва улустуң аас чогаалында чоннуң төөгүзү, сагыш-сеткили, өөрүшкүзү болгаш муңгаралы, күш-ажылчы, амыдыралчы дуржулгазы, чаагай-чаңчыл, сүзүглелдери, күзел-чүткүлдери болгаш кижини, ниитилел, бойдус, өртемчей дугайында бодалдары илереттинген. Аас чогаалының хөй янзы хевирлери улусту амыдырал, күш-ажыл база бойдус-биле таныштырып, оларның угаан-бодалын сайзырадып, тура-соруун быжыглап келген. Ол ышкаш маадырлыг тоолдар, ырлар болгаш кожамыктар, алгыш-йөрээлдер дээш оон-даа өске чогаалдар шылгараңгай эстетиктиг рольду ойнап, уран чүүлдүң онзагай чараш хевири бооп алдаржаан. Биске бурун шагдан дамчып келзе-даа, амгы үеде-даа аас чогаалы кайгамчыктыг бедик шынарын чидирбээн, улус чоннуң ёзулуг-ла чоргааралы бооп арткан. Харын-даа оон чамдык биче хемчээлдиг хевирлери сайзырап турар.

Ам-на-ла бе? Чеве, эштер!  
Ойнап-хөглөп мөөрейлежиил,  
Адыг-чарыш кылып ойнаал,  
Адааннажып чижилиңер!  
Тывызыктар ыдып, тоолдап,  
Үлегер сөс сактып, чугаалап,  
Мөөрейлежиил!

## **2. Мөөрейлер – тывызыктажыры, узун-тыныш, үлегер домактар чугаалаары, кожамыктажыры.**

- Адыр, адыр мени дыңнап болгааңар! Тывызыкты тып көрүңерем.

**Тывызыым дытта, тоолум дошта.**

- Ол чүү-дүр, чээ, уруглар?

- Тывынгырлар кайда силер,

Тыварынче кичээниңер.

Баажызын айтырып каап,

База катап догааштырыңар.

Тыва тыртып алган киж

Догааштырып салгылаар-дыр. (Тыпкан киж холун дораан өрү көдүрөр).

### **Мөөрей: Тывызыктажыры**

- Аъдым демир, бодум демир, кымчы чокка дүшпес-даа мен (Шооча биле дүлгүүр).
- Ала-була чакпалыг, алдын урук сөдүргелиг (Сааскан).
- Адыштаарга, адышка кирер, ажыптарга, хову сыңмас (Карак).
- Аргада ак баштыг ашак олур (Харлыг пөш).
- Арзылаң аг диди – арга бажы кызаш диди (Чаңнык).

- Аржымакка куткан ышкаш, адыр талга аскан ышкаш (Куш уязы).
- Арт ажарга-ла өдек (Саргыяк).
- Артап болбас алдын өргөн, дээп болбас демир өргөн (Чылан).
- Боду ак-даа болза, сагыжы кара. (Хоран).
- Боду борбак, боску теве. (Хөнек).
- Борбак карам кургадып чададым. (Ыттың думчуу)
- Борбуякта куткан ышкаш, бора талда аскан ышкаш. (Ары өө)
- Дагга даакпас, сугга суукпас. (Дуюг)
- Дагыл иштинде таңма чүрек. (Аъттың дуюу)
- Долганып-долганып топ диди. (Ыт)
- Дөрт алышкының чушкуузу артында. (Аът изи)
- Ийи өгнүң чүлгүүжү чаңгыс. (Инектиң думчуунуң ийи үдү биле дылы)
- Ийде чартык өг. (Кулак)
- Кадын кыстың караа чараш. (Диис)
- Кежээ келир, эртен чанар. (Өгнүң өрегеzi)
- Көөрге көвей, көдүрерге чиик. (Хөвөң азы дүк)

### **Мөөрей: Узун-тыныш**

Узун-тыныш уругларның

Уттурбас бир оюну-дур.

Улай-улай киржиилиңер,

Уттурганнар адааргазын.

### **Мөөрей: Үлегер домактар чугаалаары**

Бердинген улегер домактарны чедир чугаалаар.

### **Мөөрей: Кожамыктажыры**

Ырлапкан дээш бисти канчаар,

Ыргай-биле кагар эвес,

Ыргай-биле какса-даа-ла

Ылап шынын сөглээр эвес.

Каттырган дээш бисти канчаар,

Хаак-биле кагар эвес,

Хаак-биле какса-даа-ла,

Хамык шынын сөглээр эвес.

### Отряд: 1

1. Кожамыкка кончуг-ла бис.  
Кожа тырткаш, салыр-ла бис.  
Кожар сиирге, хоржок-ла бис.  
Хокпак-хакпак кылып каар бис.
2. Айым биле Хүнүм ышкаш  
Алдын чырык чүвем-не чок.  
Авам биле ачам ышкаш  
Авыралдыг улус-ла чок.
3. Бедик-бедик аъттар турар  
Бедик черниң аъттары бе?  
Бедик сынныг оолдар турар  
Лагеръниң оолдары бе?
4. Бежелээн бис, алдалаан бис, оой-ээй.  
Бежен кижини шинчилиг бис, оой-ээй.  
Алдалаан бис, бежелээн бис, оой-ээй.  
Алдан кижини шинчилиг бис, оой-ээй.

### Отряд: 2

1. Тывызыкка кончуг-ла мен.  
Тыва тыртып каар-ла мен.  
Дыраар черге хоржок-ла мен.  
Тырылдырып каар-ла мен.
2. Айым биле Хүнүм ышкаш  
Алдын чырык чүвем-не чок.  
Авам биле ачам ышкаш  
Авыралдыг улус-ла чок.
3. Чыраа-чыраа аъттар турар  
Бедик черниң аъттары бе?

Чычыы тоннуг кыстар турар  
Лагеръниң кыстары бе?

4. Чеделээн бис, сезелээн бис, оой-ээй.  
Чеден кижини шинчилиг бис, оой-ээй.  
Сезелээн бис, чеделээн бис, оой-ээй.  
Сезен кижини шинчилиг бис, оой-ээй.

**Шупту ырлажыр:**

**Хөвөң ышкаш хоюг, чымчак дүктүг дээн-дээн**

**Хөлдөр ышкаш чалгып, чатгып чыдар дээн-дээн**

**Саар малы аалга сынмас болган дээн-дээн**

**Сагган сүдү саваажып долган дээн-дээн**

**Ажы-төлү эрес, хөглүг омак дээн-дээн**

**Арат чону хөглүг бистин Тыва дээн-дээн**

**II. Түннел**

Хайыралыг Тывамны

Каткы-хөг эргизин.

Карактажыр өөрүвүс

Каас-чараш чурттазын.

Курай, Курай!!!